

NORMAS DE USO DO LOCAL DE ENSAIO A FACTORÍA

Artigo 1. Obxecto.

As presentes normas teñen por obxecto establecer as condicións de uso das instalacións e do material do Local de Ensaio A Factoría do Concello de Ames. O departamento de Mocidade pon a disposición dos grupos musicais do concello un equipamento municipal cos obxectivos de:

- Facilitar un espazo para o ensaio musical da cidadanía do Concello.
- Fomentar a práctica musical da mocidade de Ames.
- Contribuír a unha maior formación musical e técnica dos grupos que fan uso deste equipamento.
- Crear unha plataforma de encontro da mocidade para o intercambio de experiencias musicais que promovan un ocio xuvenil creativo.
- Organizar eventos coa mocidade e difundir entre a cidadanía os aspectos positivos da cultura musical da xente nova.

Artigo 2. Instalacións e equipamento.

O local de ensaio está situado na planta baixa do local social de Biduído (A Factoría), con dous espazos insonorizados de 40m² e 20m² respectivamente. O Concello non se responsabilizará dos instrumentos propios dos grupos en caso de roubo ou danos. O material co que conta alí o concello está descrito no anexo I.

Artigo 3. Horario.

O horario do local de ensaio será o solicitado polos grupos musicais entre as 10h e as 22h sempre e cando non estean organizadas outras actividades, polo propio Concello.

Artigo 4. Presentación de solicitudes.

Poderán presentar solicitudes para o uso do local, aquelas persoas que en representación dun grupo musical, con membros empadroados no concello, precisen dun local para realizar os seus ensaios. Polo menos un dos/as seus/súas integrantes debe estar empadroado en Ames e o grupo debe estar dado de alta no censo municipal de artistas do concello.

As solicitudes presentaranse a partir do 15 de xullo debidamente cumprimentadas e asinadas a través do correo electrónico omix@concellodeames.gal. Os grupos interesados en seguir ensaiando na Factoría deberán renovar a solicitude anualmente.

Artigo 5. Valoración das solicitudes e criterios de autorización de uso.

- A) Priorizaranse as solicitudes de grupos de mozos/as, entendendo por isto, que a media de idade dos grupos non sexa superior aos 35 anos.
- B) Priorizaranse os grupos fronte aos solistas.
- C) Priorizaranse as solicitudes de reserva mensual de 8 horas (2 horas á semana). No caso de que se necesite máis tempo, poderase solicitar por escrito á Concellería de Mocidade.
- D) Valorarase a colaboración dos grupos coa Concellería.
- E) Trimestralmente revisaranse os horarios. En caso de ser necesario, reestruturarase o calendario en función das novas solicitudes e dos horarios dispoñibles.

- F) O Concello de Ames entregará á persoa solicitante unha autorización do uso das instalacións indicadas, na que figurará o nome do grupo solicitante, o nome do seu representante, o seu DNI, relación das persoas que compoñen o grupo, días e horas nas que está autorizado o uso dos locais e a sala a utilizar, etc...

Artigo 6. Acceso ás instalacións.

- A) Para ter acceso ás instalacións no horario establecido, a persoa representante do grupo deberá ter dispoñible o documento de autorización ao que se refire o apartado D) do artigo anterior e dirixirse ao libro de rexistro de entrada e saída do local de ensaio para deixar constancia da entrada e saída.
- B) Antes do inicio e ao remate de cada sesión de ensaio comprobarase o estado do local e do material, notificando calquera dano ou incidencia mediante un parte de incidencias de obrigado cumprimento que debe enviarse a omix@concellodeames.gal.
- C) Cada solicitante é responsable da limpeza básica das instalacións que se lle autorice usar, debendo deixar os locais nas mesmas condicións de limpeza e orde nas que estaba á súa chegada.
- D) O concello de Ames faise cargo dunha limpeza periódica das instalacións, así como do mantemento técnico dos materiais.

Artigo 7. Obrigas das persoas usuarias do local:

- A) Respetar os horarios e sala asignada. Non se permitirá o acceso ás instalacións das persoas que cheguen fora do horario asignado.
- B) Cubrir os partes de asistencia.
- C) En caso de non utilizar o local en seis ocasións consecutivas sen xustificación, procederase á baixa do uso de este equipamento e non terá preferencia para a asignación de días e horas de uso.
- D) Só poderán acceder ás instalacións as persoas autorizadas e participantes do grupo. Queda prohibido o acceso ás instalacións de persoas alleas, podendo autorizar o seu acceso en casos puntuais, previa comunicación e autorización do Concello de Ames.
- E) Unha vez rematado o ensaio, o local e o material debe quedar recollido. Prégase extremar o coidado na manipulación do material e cableado, deixando todo desconectado da rede eléctrica, no seu caso. Cada representante do grupo asume a responsabilidade de comunicar ao departamento de Mocidade todas aquelas deficiencias que considere oportunas respecto do estado da sala: limpeza, materiais, etc... para o que se facilitará un parte de incidencias.
- F) No caso de producirse danos por negligencia ou mala fe, o grupo de que se trata a través do seu representante deberá repoñer integramente o danado ou aboar o importe íntegro da súa reposición.
- G) Non se permite fumar, consumir bebidas alcohólicas ou comer no local de ensaio.
- H) Asistir ás xuntanzas de coordinación e de seguimento periódico que se convoquen dende o Concello de Ames.

Artigo 8. Incumprimentos.

O incumprimento das obrigas establecidas neste regulamento dará lugar á perda do dereito ao uso e desfrute das instalacións e materiais indicados nos artigos 1 e 2, sen prexuízo das responsabilidades a que dea lugar a normativa vixente.